

“PREMI CANDONI”: PRIME EDIZION DAL CONCORS PAR OPARIS TEATRÂLS IN LENGHE FURLANE

Iscrizions dentri dai 27 di
Setembar. I incuintris e lis
premiazioms si fasaran al
“Giovanni da Udine”

La Associazion Culturâl “Luigi
Candoni”, cu la poie de ARLeF -
Agenzie Regjonâl pe Lenghe
Furlane, in colaborazion cun MateâriuM
- Laboratori di gnovis dramaturgjiiis e cu
la Fondazione Teatro Nuovo “Giovanni da
Udine”, dentri de manifestazion “Premi
Candoni”, e organize la prime edizion
dal Cors - Concors “Premi Candoni -
Oparis teatrâls in lenghe furlane”.

Continuant la ativitât di promoziom de
dramaturgjie contemporanie che e jere
stade puartade indenant dal cjargnel
Luigi Candoni (1921-1974) dai agns '50
ai agns '70 dal '900 e che po dopo e à vût
une sò prosecuzion cul “Premi Candoni”, il
Cors - Concors al intint promovi e difondi
la lenghe furlane intal setôr de formazion
dramaturgjiche, proponi gnûfs tescj in
lenghe furlane pe produzion di spetacui
teatrâi professionâi e disvilupâ ativitâts
dramaturgjichis teatrâls basadis suntune
projetualitât che e puarti a realizâ il
program “Il Furlan lenghe dal Teatri”.



Ogni participant al acedarà a **une fase di “tutorât” fate di vot incuintris** (che si davuelzaran intai spazis dal Teatro Nuovo “Giovanni da Udine”, tacant dal Otubar prossim), e dilunc di chê al disviluparà la proprie idee di test teatrâl. Tra un incuintri e chel **dopo, i participants a procedaran cu la scritture dal test.** Ai progjets di scritture ur staran daûr i tutôrs di MateâriuM.

Un incuintri dai vot fissâts al sarà tignût di un consulent linguistic in mût di podê frontâ, in timp reâl, eventuâls problematichis leadis al lessic, ae gramatiche o ae grafie de lenghe furlane. Finit il cors, i participants a varan une altre setemane di timp par concludi i

elaborâts e par consegnâju.

Lis iscrizions a varan di jessi fatis **dentri des 24.00 dai 27 di Setembar.** La Jurie dal Premi (cun a cjâf Giuliano Bonanni, diretôr artistic de Associazion Culturâl “Luigi Candoni”) e procederà cu la leture des oparis e cu la votazion che e fissarà la graduatorie dai tescj: prin classificât (1.500 euros), secont classificât (300 euros) e tierç classificât (200 euros).

Il Cors - Concors si sierarà ai 22 di Dicembar, tal spazi foyer dal “Giovanni da Udine”, cu la ceremonie di premiaziom e cu la leture seniche dal test prin classificât.

Il Cors - Concors al è viert a duçj i citadins talians che a vedin plui di 18 agns, che a puedin presentâ dome dramaturgjiiis teatrâls in lenghe furlane; a son ametudis parts dal test in altris lenghis o dialetis regjonâi che no passin il 10 par cent dal contignût di dute la opare.

Par informazioms, scrivi a:
associazionecandoni@gmail.com o
telefonâ al 328 6581842.

Pagjine par cure
de ARLeF -
Agenzie Regjonâl
pe Lenghe Furlane

ARLeF AGENZIE
REGIONÂL
PE LENGHE
FURLANE

USCIVFG
Unione Societât Corali
del Friuli Venezia Giulia

XVII edizione

con il patrocinio di
feniarco
la voce dei cori

con il sostegno di
**REGIONE AUTONOMA
FRIULI VENEZIA GIULIA**

COROVIVO

confronti corali del friuli venezia giulia

domenica 20 ottobre 2019

primo concerto ore 11,00
 secondo concerto ore 15,00
 terzo concerto ore 17,30
 concerto di gala ore 20,45

cividale del friuli

chiesa di san francesco ingresso libero

www.uscivfg.it